

漢天師世家序

壁一

嗣漢四十二代天師張真人以世家一卷命上清道士傳同虛徵瀛序其首簡瀛聞古者名世諸臣史官必為序其世系表次以傳所以敦本始昭功伐也况於神明之胄理有不可得闕者今所輯世家祖始於留文成侯而其上則無聞焉瀛因據氏族羣書補之復用史法略載其相承之緒使一閱輒知大都而其詳列見於左方云序曰張出自姬姓軒轅子青陽氏第五子揮弓矢正始造弓矢張羅以取禽獸主祀孤星世掌其職賜姓張氏周宣王時有卿士張仲其後裔事晉為大夫張侯生老老生君巫君巫生超超生體其孫曰抑朔至三卿分晉張氏事韓韓相開地相韓昭侯宣惠王襄王開地生平相釐王悼惠王平生良字子房漢太傅留文成侯居沛之豐邑生二子侍中辟疆及不疑不疑嗣侯生二子典高興生默默生大司馬金生陽陵公千秋千秋字萬年萬年生嵩嵩生五子杜讚彭陸述其後多以功烈著傳至於唐列為安

定范陽太原南陽燉煌脩武上谷沛國梁國榮陽平原京兆等四十三望族中出宰相凡十七人高生通通生無妄無妄生里仁里仁生皓皓生綱綱生桐栢真人大順大順生漢天師道陵是為玄教之宗其傳緒悠長倍前

望族之盛論者弗察見留侯再世國除即意其絕嗣殊不知流裔南北如斯之繁也道遠字輔漢建武十年生於吳之天目山暨長博習羣書從學者千餘人尋中直言極諫科拜巴邑江州令棄官隱洛陽北邙山脩鍊形之術查帝以博士徵不赴和帝即位召為太傅封冀侯亦不就乃杖策遊淮入鄱陽上龍虎山合九天神丹訪西仙源獲制命五嶽攝召萬靈及神虎殺文於壁魯洞俄往嵩山石室得黃帝九鼎書及其道成聞巴蜀沆氣為人

害銳意入蜀初居陽平山遷鶴鳴山感玄元老君屢授以經錄之法於是分形示化復立二十四治增以四治以應二十八宿妖厲為之衰熄如發賊泉破鬼城之事甚多不能備載永壽二年後遷渠亭山出三五斬邪雌雄

劉二陽平治都功印一授嗣天師衛使世世相傳乃乘雲上昇壽一百二十又三云衡宇靈真有長材詔徵黃門侍郎辟隱居陽平山誓以忠孝導民君子謂其有繼宗開緒納俗安善之功衡生系師魯字公祺益續前人之

烈以道術教人自孫師君其來學道者授以道業已信孫祭酒皆教以誠信不欺詐有病者自首其過後設義倉置義米內其中任人量腹取飽過取則有禍人歸者日益眾遂居漢中詔授鎮民中郎將領漢寧太守其後歸

魏太祖拜鎮南將軍封閭中侯五子皆為列侯文歸太祖子彭祖魯卒追謚原侯生盛字元宗魏太祖封都亭侯弗受始自漢中還龍虎山遇三元日陞壇傳錄盛生昭成字道融端坐石室虎豹逢之皆伏暨化去或見騎鶴遊室中啓塚驗之惟冠履留耳昭成生樹晉

安帝召之不至樹生回回生迥迥生符符生祥字麟伯隋洛陽尉能吐丹實掌中光芒穿室復吞之祥生通玄歲大疫以標植水中汲飲者咸愈通玄生恒唐高宗問治國恒對曰

能無為則天下治矣上嘉之恒生光先生慈正慈正生士龍士龍忘玉印長安酒家一少年盡力舉之不動明日士龍嘆携去士龍生應詔應詔生願願生士元字仲良瘠而多髯居應天山四十年山多虎人莫敢謁焉每大

風雨逢見乘黑龍往來諸峰間士元生脩脩生謀謀生秉一字溫甫自光如雷夜能視物嘗負劍行山澤間叱一老樹雷即震烈擊死二巨蟒及小蛇百餘秉一生善善生季文五代之季受其錄文者頗衆乃鑄鐵環券數萬

繼之季文生正隨宋大中祥符八年召見賜號曰真靜先生後凡稱先生者皆賜號也吏部尚書王欽若為奏立授錄院正隨生澄素先生乾曜乾曜生虛白先生嗣宗嗣宗生象中字拱辰生三月能行五月能言七歲朝京

師賜以紫衣象中生葆光先生敦復敦復無子從子葆真先生景端嗣景端亦無子從弟虛靖先生繼先嗣繼先字嘉聞五歲不能言聞雞鳴忽失咲賦詩入異之崇寧初游鹽池水溢遣使者召見書鐵符投之怒雷礮蛟蛟

死水齋一日隨上入寢殿宮嬪競以扇求書繼先以經語書之皆密契其意中舉一握楷首書曰保鎮國祚與天長存乃上所御者也上奇之命禱雨三日乃止授太虛大夫不拜詔江東漕臣即山中度地遷建上清觀改為上

清正一宮從其學道者常數十百人靖康初上復召時金人犯汴行至泗州天慶觀索紙筆寫詩隱几而化葬於龜山之麓後十六年西河薩守堅遊青城山相遇於峽口繼先以書一封赤帛一隻令達嗣天師嗣天師家大

驚使人啓龜山之空惟一寫存繼先無嗣以象中之孫時脩嗣時脩曰吾從子也烏得後之衆曰法統所在孰得而辨乃從時脩生正應先生守真守真在母胎歷十九月始產毗陵有妖憑樹詔劾之一夜風雷拔去復定江

濤衝决高宗賜以象簡寶劍清靜陰符二經守真生景淵景淵生慶仙張公洞有井甚深慶仙戲折木葉擲之俄波濤騰湧有一老翁從中出慶仙詞戒之而去慶仙無子從子觀妙先生可大嗣可大守真之曾孫其祖伯瑀

父天麟皆嘗攝教事鄱陽水漲壞民廬無數表提刑甫詰可大治之殛死一大白蛇水遂平又遇旱蝗可大禱之雨作而蝗殫勅授提舉三山符籙兼御前諸官觀教門公事主領龍翔官時當宋季元世祖聞其神異密遣間

使訊之可大授以靈詮且謂使者曰善事爾主後二十年當混一天下逮至元十三年果驗可大生宗演字世傳長而穎異世祖平宋憶其父言有徵應遣兵部郎中王世英刑部郎中蕭郁齋詔召之賜王冠玉圭授以演道

靈應冲和真人之號仍給三品銀印令主江南道教事俾自出牒度人為道士宗演生與棟字國華世祖特宣授體玄弘道廣教真人賞賚優渥竟卒於京師與棟無子弟與材嗣與材字國梁元貞初入見大明殿制授太素

凝神廣道大真人大德二年海盜蓋官兩州潮水大作沙岸百里蝕齧殆盡延及州城下與材投鐵符於水符躍出者三雷電晦冥穢怪物魚首龜身其長丈餘隄復故常五年冬無雪上曰冬無雪民間得無有災害乎與材

為建壇禱之是夜雪下盈尺上大喜命近臣賜酒曰卿能感通神明一至此耶八年錄平潮功加授正一教主兼主領三山符籙給以銀印視二品九年崇明州海隄崩俾弟子持符往勅之民夢有神填海者遂安至大初加賜寶冠金服制授金紫光祿大夫封留國公給以銀印視一品與材生太玄子嗣成其道行顯者褒賜於朝者不減父風嗣成卒弟嗣德嗣嗣德卒子正言嗣正言卒太玄之子正常嗣字仲紀即今天師

國朝六親京師洪武初制授正一嗣教護國開祖通誠崇道弘德大真人領道教事給以銀印視二品賜白金及金欄法衣賜其父大玄弘化明誠崇道大真人母胡氏封恭惠慈順淑靜玄君

復  
竊以康文稱其體樞電轉法貌昂然時以為榮蓋應代相傳以眼圓而鉅者為玄應故上因及之云濂閩文成侯年少時學禮准揚東謁蒼海君蒼海君先儒學士以為海神是

也後又見異人黃石公下邳圯上則其未達之際固已能交通於神明至其晚年名遂功成乃欲辟穀從赤松子遊實其初志非曰托之以自逃也故其九傳至漢天師感慕興起學輕舉延年之術拔除陰厲一以善道化民

而嗣師系師繼之脩其業而弗墜惟恐有人橫遭天闕者當漢之季天下雲擾惟巴蜀之間民生晏然行者不累糧居者不捍關官府賴以成治如此者垂三十年其功之及物可謂侈矣宜其世有令人出禪至化奚遜言諸

侯之固天之報施不亦彰明者哉或者專歸於名山神氣之所秀結故能演進盛大如斯其論亦淺矣嗚呼文成侯子孫南北在在有其以功列顯者小則先法從大則至宰輔非不光明俊偉也曾未幾何降為卑隸者

有不免焉其視玄商相仍歷千二百有餘歲而未已者為何如蓋必有其道矣嗣是而興者尚知焉哉尚知焉哉  
洪武九年正月十五日  
翰林侍講學士中順大夫知

制誥同脩  
國史兼

太子贊善大夫金華宋濂撰  
序二

武王克商封國八百考之於史厥後可徵者

可以指數也卓然不泯其世惟宋魯齊晉吳楚燕趙陳杞管蔡而已若其宗祀與周並傳又惟燕齊而已漢初之豪傑並起從高帝驅馳於中原天下既定高帝裂地以封之大者王小者侯凡百有餘人訖於孝武後之元年

僅五六十有終者十無八九矣孝宣錄其子孫多出傭保之中降及孝成不絕如絲烏在其為黃河如帶泰山如礪國以永存及苗裔也由是觀之系緒悠長莫若孔子其次莫若漢天師孔子以卒之又明年即其故宅

為廟祀之至唐武德而國子監有廟至開元而醜邑有廟天下通祀之常以宗子一人襲封爵奉祭祀在漢曰褒成侯在宋曰衍聖公至今遵之焉其支庶在曲阜及散處四方者偉然以科目自致仕官通顯功業表表當世

者代不乏漢天師系出留文成侯文成則軒  
轅氏第五子揮之後也由揮若干傳至文成  
侯由文成侯九傳至漢天師由漢天師到于  
今千二百有餘歲而傳世四十有三肖子詰  
孫輝連響接咸克濟美以光裕於前有國者

壁一

八

罔不崇尚而褒異之神明之胃繩繩乎其未  
有紀極張氏與孔氏豈不差似我何彼之泯  
滅無聞者衆而此之世彌久而益振也則其  
故有不可不知者矣蓋自周衰王者不作諸  
侯暴橫桀驁之徒鼓其虐以毒天下民用顛  
隳甚於洪水之害賴孔子出脩儒術以達王  
道撥亂世而反之正始復胥匡以生又以治  
天下之大經大法筆之為書秉式百代天以  
之而道明地以之而理察人以之而極立三  
才既奠萬化乃成詩書仁義之澤天地相為  
終始則其祚胤之昌大所謂盛德百世祀者  
也何獨漢天師而異乎漢天師與孔子雖  
道不同然其制鍊形魄品配陰陽斟酌元化  
交通神明捍大災禦大患之為務妖孽由之  
而不作疵癘由之而不生疾苦由之而安全

夫闕者由之而壽考其於斯世斯民亦可謂  
有大造矣天之封培其後俾食其德固自報  
施之理殆亦曰張氏之門善繼善述世有其  
人則雖天災流行無世無之又何患焉斯民  
也而永有依怙我繼今而起者思祖宗之積

壁一

九

累如彼上天之屬望如此毅然以匹休對揚  
自任則大書特書又將什百於此矣其世家  
一卷四十二代天師制授正一嗣教護國闡  
祖通誠崇道弘德大真人命其徒初造之故  
翰林承旨宋先生濂序之今天師無為子謂  
行之也遠由言之也文脩飭潤色之將纂刻  
傳於世不鄙伯衡使為後序觀無為子注意  
此編其於紹隆前烈以世其家遺餘力乎此  
其所以蒙  
一人之眷副四衆之望而克增玄教於九鼎  
之重者與伯衡誠不敢自附宋先生之後然  
雅故於無為子非一日是用忘其僭而以此  
為序  
洪武庚午五月丙申前史官眉山蘇伯衡撰  
序三

曩予栖玄崖夢老子與之譚道竊有感於赤  
松之遊而不知嗣教者奚若茲予之金陵帆  
瀉匡廬之下條爾張真人舟且近晚泊相揖  
驪若夙結已出漢天師世家一帙視予且曰  
頌予一言以焜耀我先世也不佞受而讀之

壁一

歎曰宋太史之筆不朽則又奚益焉無已則  
聞天地之道貞夫一者也雖晦蝕崩竭其或  
然之數不可必而清寧者未嘗毀大上得此  
以主張道教正一真人得此益衍大上之緒  
故靈氣託於後之人而神妙用歷千百餘年  
握玄化如一日夫誰測其所以然若曰符籙  
可制鬼神禦災患靖妖氛有功於國家天使  
之昌其世也倘其然邪抑其餘焉耳矣張心  
湛君之光昭先業也其辨於真一可想異日  
有王子吹簫而過龍山也則以予夢老子之  
譚証之張君得毋意乎張君曰敢不世守于  
之言行且瞻紫氣於龍山之巔矣  
賜進士出身三部尚書郎兩奉  
詔起青原駱洞主人王德新撰  
序四

方今寓內譚世家者曠弗以孔氏稱最等而而論之漢天師殆孔氏埒何者夫漢天師道後者留文成侯苗裔也文成侯授書黃石碑毅而侶赤松遊所為濬道教之源蓋有其自歷五代道陵祖師與繼太上之心學發造化之玄機脩真龍虎直以道德為宗神明為母清靜為師太和為友叱咤風雲步三台而幹旋宇宙吸呼雷霆仗星劍而蕩滌氛塵與於漢弗止於漢歷唐宋以逮我明封誥之錫代炳蔚焉師尊正一爵等公侯而媲美之微直師祖一世之榮哉迄今五十七世由萬萬世而道化之流衍子孫駸駸乎其不泯則所謂世家非耶不庶幾孔氏埒耶或者以運符章投鬼神輒舉而歸之幻妄噫斯淺之乎觀天師者也詎知其食六氣而丹成白石涵三極而道會玄元固有先天地之始不知其所繇始後天地之終不知其所繇終奚啻世家之足云偉也奇遊勝境獲天師世家書可無譏焉以揚其盛是故為之序

萬曆丁酉春仲月

賜進士出身侍  
經筵雲南道監察御史豫章喻文偉撰  
序五

漢天師既傳國累世歷唐宋入  
明復世掌道教被天下然而釋之傾儒之試

往往而是夫我

高皇帝神武庸詎詭於春秋大一統之旨願  
追為二十天師黃錄其嗣褒顯之遡漢迄于  
今蓋其盛幾與孔氏相終始斯固不可以智  
力誣哉世未有千百禩而未定者也猥以符

籙役鬼神當之而止鬼神故恟恟無羈歎乎  
其有而無也似而非也厥有光景風輒引去  
執之皆鬼神不執之皆道故謂符籙不足役  
鬼神妄也燕夫人而能符籙也符籙盛於寇  
謙之杜光庭而不再世也天師之歷五十一

昌其究無極其大道綿邈要自有不可知者  
在不然雖漢高唐文之烈今其裔有可考者  
乎故玄光辯惑論李膺蜀記之妄誠不足玷  
輔漢化胡經不足尊伯陽皆妄也吾直以其  
世系之盛能與仲尼聖胄埒豈偶然耶天師

世家一帙洪武中四十二代天師徵序于金  
華宋太史先生次其事大都甚悉越二百餘  
年而五十一代天師識于京邸一見驩甚已而  
入  
覲道吳門輒過子蓋彬彬儒雅有道忽千里

馳書徵序其帙蓋洪武迄嘉靖凡八代事迹  
于老而好道篤然不敢黨而攻僞釋夫三教  
詎非同歸者哉  
萬曆癸巳秋吳龍周天球述

漢天師世家序卷一